

ELECCIÓN AO PARLAMENTO DE GALICIA 2020

- 1** Aprobar un **Plan de Acción Autonómico** en base á Estratexia Española de Trastorno do Espectro do Autismo, cos recursos necesarios para o desenvolvemento das actuacións e o orzamento asociado ás mesmas. (DSM 5 e CIE 11).
- 2** Implementar sistemas de cribado e **detección precoz**, así como de derivación das persoas con TEA desde os diferentes contextos (educativo, sanitario e social) a servizos especializados de diagnóstico, realizado por un equipo interdisciplinar, gratuito e no menor tempo posible, en todas as etapas da vida.
- 3** Garantir o acceso a unha **atención temperá** de todo neno ou nena con TEA, risco ou sospeita de presentalo, desde o nacemento ata os seis anos de idade, así como os apoios para o desenvolvemento infantil ata os 12 anos, a través dunha atención interdisciplinar, específica e baseada na evidencia.
- 4** Garantir unha rede variada, suficiente e especializada de **servizos, recursos, apoios e centros educativos** en todos os territorios, que dispoñan dos medios necesarios para facilitar unha educación de calidade, individualizada e centrada na diversidade e necesidades de cada persoa con TEA, mantendo, flexibilizando e innovando nas modalidades de escolarización de maneira que maximicen o éxito educativo, o desenvolvemento persoal e a inclusión social.
- 5** Poñer en marcha medidas que favorezan o acceso da persoa con TEA ao **emprego**, fomentando a modalidade de emprego con apoio e promovendo a modificación da normativa correspondente tanto a nivel estatal (Lei 43/2006, Real Decreto 870/2007 e Real Decreto Lexislativo 5/2015) como a nivel autonómico, e garantindo a sustentabilidade e os recursos necesarios para a implementación de programas especializados de emprego con apoio.
- 6** Impulsar a oferta de **prazas especializadas de atención diúrna, residencial e vivenda alternativa** ao fogar familiar para as persoas adultas con TEA, facilitando a libre elección no acceso ás mesmas.
- 7** Implementar apoios adecuados e específicos para as persoas con TEA en proceso de **envellecemento** e medidas que favorezan a permanencia e arraigamento da persoa con TEA na súa contorna habitual despois dos 65 anos, priorizando as súas preferencias e necesidades.
- 8** Ter en conta as especificidades das persoas con TEA á hora de aplicar a variable de discapacidade en calquera normativa aprobada, conforme aos criterios diagnósticos vixentes (DSM 5 e CIE 11).

ELECCIÓN AO PARLAMENTO DE GALICIA 2020

- 9** Asegurar a atención integral e específica á **saúde** das persoas con TEA (incluíndo a saúde mental), a través da creación unidades, protocolos e programas especializados de atención que teñan en conta as súas necesidades específicas neste ámbito.
- 10** Posta en marcha de protocolos específicos de apoio e intervención para persoas con TEA, que contemplen a **coordinación** dos equipos multidisciplinares (educación, sanidade, servizos sociais).
- 11** Promover a accesibilidade universal da información, contextos, bens e servizos, considerando especialmente medidas e recursos de **accesibilidade cognitiva**, tales como deseño e sinalización de contornas (wayfinding, sistemas pictográficos, etc.), lectura fácil, apoios visuais, e sistemas alternativos e aumentativos de comunicación.
- 12** Facilitar apoios e axudas especializados ás **familias** das persoas con TEA, de maneira que gocen dunha calidade de vida satisfactoria a través do desenvolvemento de programas integrais e especializados de apoio.
- 13** Promover a **sustentabilidade dos servizos** para garantir a continuidade na atención, asegurando tamén a concertación de servizos, a aplicación da cláusula social, a priorización da calidade e a especificidade para os procesos de adxudicación e o financiamento acorde necesario.
- 14** Impulsar a **formación dos profesionais** vinculados a sectores crave para as persoas con TEA e as súas familias, tales como a educación, sanidade, servizos sociais, xustiza, emprego, ou seguridade
- 15** **Apoiar ao sector ante a situación xerada polo COVID19** dotando de novas liñas de apoio económico co fin de asumir o custe excepcional provocado polas adaptacións de servizos, compras de material de protección e perda de financiación asegurando a continuidade da prestación de servizos especializados.

SEDE SOCIAL
RÚA HOME SANTO DE BONAVAL,74

CENTRO DE RECURSOS
RÚA RODRÍGUEZ DE VIGURI, 35

15703 SANTIAGO DE COMPOSTELA
T. 981 589 365

INFO@AUTISMOGALICIA.ORG
WWW.AUTISMOGALICIA.ORG